

---

# РИШТОН ТУМАНИ ҲОКИМИ СУФҲОНЖОН СОЛИЕВНИНГ ТУМАНИМИЗ АҲОЛИСИГА БАЙРАМ ТАБРИГИ

Ассалому алайкум азиз ҳамюртлар!

Наврӯз энг қадимий, асл миллий, яхшиликка, руҳий покликка ундайдиган, узоқ ўтмиш замонлардан буён қадриятларимиз тимсоли бўлиб келаётган хосиятли бир айём, яшариш ва янгиланиш фаслидир.

Наврӯз байрами биз учун ҳаёт абадийлиги, табиатнинг устувор қудрати ва чексиз саховатининг, кўп минг йиллик миллий қиёфамиз, олижаноб урф-одатларимизнинг бетакрор ифодасидир.

Шарқона Янги йил бўлган Наврӯз инсонлар қалбида эзгу интилишларни уйғотиб, кишига умид ва ишонч, шукроналик туйғуларини бағишлайдиган, миллати, тили ва динидан қатъи назар эркаг-у, аёл, ёш-у, қари барча юртдошларимизнинг энг ардоқли, севимли байрамидир.

Эзгулик, гўзаллик, ободликни касб этган Наврӯзи олам тинчлик, осойишталик, фаровонлик ҳукм сураётган она Ватанимизда яшаётган ҳар бир инсоннинг қалбида яшашга бўлган иштиёқ, эзгу мақсад, ижод-изланиш завқини тортиқ этади.

Мана шундай улуғ айёмда нуроний отахон ва онажонларимизни, мунис опа-сингилларимизни, тумандаги ташкилот ва корхона раҳбар ходимларини, туманимиз ҳаётида тобора ҳал қилувчи кучга айланиб бораётган ёшларимизни яна бир бор Наврӯз байрами билан чин қалбимдан табриклайман.

Умрингиз узоқ, ризқи-насибангиз зиёда бўлсин. Юртимиздаги ҳар бир хонадонга тинчлик-омонлик, меҳр-оқибат, бахт-у, саодат ёр бўлсин.

Наврӯзи олам барчамизга муборак бўлсин!

2021-03-21 07:10:48